

SURAT SETUJU TERIMA

Rujukan Kami : MPC(PCT)400-5/1/5(1)

Tarikh : 15 Mac 2021

Powernode Solution Sdn Bhd
 2A-(1st Floor) Jalan Putra Mahkota 7/7A,
 Putra Height, 47650 Subang Jaya
 Selangor Darul Ehsan
 (U.P : En. Kamaruzzaman)

**SEBUTHARGA UNTUK: PERKHIDMATAN PEMBANGUNAN SISTEM
 DIGITALISASI KE ARAH INDUSTRI 4.0 MELALUI PROGRAM SKIM
 PENINGKATAN PRODUKTIVITI ENTERPRISE (SPPE 2.0) BAGI TEMPOH
 MAC 2021 SEHINGGA SEPTEMBER 2021**

NO. SEBUTHARGA: MPC 7/2021

Dengan ini dimaklumkan bahawa Perbadanan Produktiviti Malaysia (MPC) telah
 bersetuju menerima tawaran sebutharga/tender syarikat tuan dengan harga
 sebanyak **Ringgit Malaysia : Empat Puluh Lapan Ribu Lima ratus sahaja
 (RM48,500.00) (tiada SST)**

2. Walau bagaimanapun, pelantikan ini adalah tertakluk kepada persetujuan
 harga yang telah dinyatakan dalam dokumen sebutharga oleh pihak tuan
 berdasarkan spesifikasi yang telah ditetapkan seperti jadual di bawah.

Fasa	Spesifikasi	Jumlah Hari	Kadar sehari (RM)	Jumlah Keseluruhan (RM)
1	Taklimat pengurusan projek dan proses diagnostik	2 hari X 5 syarikat	450.00	4,500.00
2	Rekabentuk dan pembangunan solusi	7 hari X 5 syarikat	1,000.00	35,000.00
3	Pemasangan, Latihan penggunaan, dan pemantauan	1 hari X 5 syarikat	1,800.00	9,000.00
JUMLAH HARGA KESELURUHAN (RM)		50 hari		48,500.00

3. Satu kontrak rasmi akan disempurnakan oleh pihak tuan dengan memasukkan terma-terma sebut harga. Pihak tuan haruslah memberikan dua salinan asal yang dimatikan setem kepada pihak MPC. Tempoh perkhidmatan **adalah selama 7 bulan bermula pada Mac 2021 sehingga September 2021**. Senarai 5 syarikat tersebut adalah:

1	Dermaga Sari Holdings Sdn Bhd
2	Shazu Engineering Sdn Bhd
3	TWA (Malaysia) Sdn Bhd
4	Isoplas Corporation Sdn Bhd
5	Acuan Unggul Sdn Bhd

4. Apa-apa kegagalan dalam memenuhi kehendak di perenggan 3 dalam tempoh 14 hingga 30 hari dari tarikh pengakuan penerimaan Surat ini oleh syarikat tuan, boleh mengakibatkan Surat ini terbatal dan pihak MPC tidaklah dengan apa-apa cara jua bertanggungjawab terhadap syarikat tuan melainkan jika penepian bertulis diberikan oleh orang yang diberi kuasa, bagi perkhidmatan yang perlu dibuat dengan segera atau serta-merta apabila kelewatan itu akan memudarat dan menjejaskan perkhidmatan dan kepentingan awam.

5. Setelah pesanan/arahan dikeluarkan oleh MPC, syarikat tuan dikehendaki melaksanakan perkhidmatan dalam tempoh yang ditetapkan dan kualiti perkhidmatan tersebut hendaklah memuaskan hati serta memenuhi kehendak MPC. Sekiranya syarikat tuan gagal melaksanakan perkhidmatan dalam tempoh dan/atau kualiti yang ditetapkan, MPC berhak membatalkan pesanan/arahan yang dikeluarkan.

6. Syarikat tuan juga adalah diingatkan bahawa MPC berhak untuk membatalkan Surat ini sekiranya:

- (a) syarikat tuan gagal mematuhi mana-mana terma di perenggan 5 dalam tempoh masa yang ditetapkan;
- (b) syarikat tuan gagal mematuhi mana-mana terma yang dinyatakan dalam Surat Akuan Pembida Berjaya;
- (c) syarikat tuan telah membuat salah nyataan (*misrepresentation*) atau mengemukakan maklumat palsu semasa berurusan dengan MPC bagi perolehan ini atau melakukan apa-apa perbuatan lain, seperti memalsukan maklumat dalam Sijil Akuan Pendaftaran Syarikat, mengemukakan bon pelaksanaan atau dokumen lain yang palsu atau yang telah diubah suai;

- (d) syarikat tuan membenarkan Sijil Akuan Pendaftaran Syarikat disalahgunakan oleh individu/syarikat lain;
- (e) syarikat tuan terlibat dalam membuat pakatan harga dengan syarikat-syarikat lain atau apa-apa pakatan sepanjang proses *sebut harga/tender sehingga Surat ini ditandatangani;
- (f) syarikat tuan telah memberikan subkontrak sama ada sepenuhnya atau sebahagiannya perkhidmatan tanpa kelulusan MPC terlebih dahulu;
- (g) syarikat gagal menyempurnakan perkhidmatan/membekalkan barang dalam tempoh yang ditetapkan seperti di **Lampiran A**;
- (h) syarikat tuan gagal mematuhi mana-mana terma/arahan di dalam dokumen *sebut harga/tender;
- (i) syarikat tuan/ pemilik/ rakan kongsi/ pengarah telah disabitkan atas kesalahan jenayah di dalam atau luar Malaysia;
- (j) syarikat tuan digulungkan;
- (k) syarikat tuan membekal barang-barang yang tidak tulen, bukan baharu atau yang terpakai;
- (l) syarikat gagal mematuhi skop perkhidmatan yang ditetapkan dan/atau *Service Level Agreement*;
- (m) syarikat tuan tidak mendapat kelulusan daripada MPC terlebih dahulu bagi apa-apa penjualan atau pemindahan ekuiti sepanjang tempoh kontrak ini berkuat kuasa; atau
- (n) terdapat perkara yang melibatkan kepentingan awam atau keselamatan dan kepentingan negara.

7. Sekiranya Surat ini dibatalkan atas alasan seperti yang ditetapkan di perenggan 6, MPC tidak akan bertanggungjawab terhadap apa-apa kerugian syarikat tuan termasuk kerugian masa hadapan.

8. Sekiranya pihak tuan dalam apa-apa cara gagal membekalkan perkhidmatan kepada pihak MPC, maka penerimaan ini akan terbatal dan selepas itu MPC tidaklah dengan apa-apa cara juga bertanggungjawab kepada pihak tuan.

9. Bersama-sama Surat ini disertakan Surat Akuan Pembida Berjaya dalam tiga (3) salinan untuk ditandatangani oleh pihak puan. Sila kembalikan dua (2) salinan yang telah ditandatangani oleh pihak tuan dan disaksikan dengan sempurna, di ruang yang berkenaan, ke pejabat ini dalam tempoh tujuh (7) hari dari tarikh Surat ini diterima untuk tindakan kami selanjutnya. Sekian, terima kasih.

"PRIHATIN RAKYAT: DARURAT MEMERANGI COVID-19"
"BERKHIDMAT UNTUK NEGARA"

Saya yang menjalankan amanah,



(DATO' ABDUL LATIF HAJI ABU SEMAN)
Ketua Pengarah
Perbadanan Produktiviti Malaysia (MPC)